



Concello de Vigo

D^a. OLGA ALONSO SUÁREZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión **extraordinaria e urxente do 1 de marzo de 2018**, adoptou o seguinte acordo:

7.- RESOLUCIÓN DE RECURSOS POTESTATIVOS DE REPOSICIÓN PRESENTADOS CONTRA ACORDO XGL POLO QUE SE DENEGARON SOLICITUDES DE CONCESIÓN DE AXUDAS DO PROGRAMA MUNICIPAL DE AXUDAS MUNICIPAIS ESCOLARES PARA LIBROS E COMEDOR 2017-2018. EXPTE. 138777/301.

Examinadas as actuacións do expediente, visto o informe xurídico de data e o informe de fiscalización de data, dáse conta do informe-proposta do 14/02/18, asinado pola traballadora social, o asesor xurídico adxunto á xefatura de Benestar Social, o xefe da Área de Benestar Social, a concelleira-delegada da Área de Política de Benestar, e fiscalizado e conformado polo interventor xeral, que di o seguinte:

I. FEITOS/ANTECEDENTES

I.1. A Xunta de Goberno Local, na súa sesión extraordinaria e urxente do 02.05.2017, acordou aprobar as «BASES REGULADORAS PARA A CONCESIÓN DE AXUDAS MUNICIPAIS DE LIBROS, MATERIAL ESCOLAR E COMEDOR PARA ALUMNOS/AS DE CENTROS DOCENTES PÚBLICOS E PRIVADOS CONCERTADOS DE EDUCACIÓN INFANTIL (2^a ETAPA), EDUCACIÓN PRIMARIA E SECUNDARIA, DO CONCELLO DE VIGO – CURSO 2017-2018», elaboradas polo Departamento de Benestar social do Concello de Vigo (Exp. nº 138777/301).

I.2. O programa de axudas municipais escolares de libros, material escolar e comedor leva facéndose no Concello de Vigo desde hai máis de vinte anos, observándose un crecemento tanto na demanda como no seu orzamento. Están destinadas ós/ás alumnos/as matriculados/as en centros docentes públicos e privados concertados, empadroados/as e pertencentes a unidades familiares carentes de recursos económicos suficientes.

I.3. Para estes efectos, nos orzamentos municipais de 2017 consignárase unha cantidade por importe de 1.200.000 € destinada, especificamente, a cubrir este tipo de necesidades sociais (aplicación orzamentaria nº 2310.481.00.00 – “*Becas libros, comedor*”), aprobándose en sesión extraordinaria e urxente da XGL do 21.09.2017 unha ampliación orzamentaria para as axudas de libros, material escolar e comedor (Exp. nº 146323/301).

I.4. As Bases deste Programa foron publicadas no taboleiro oficial de anuncios da Casa do Concello, nos Centros de Servizos Sociais, na web municipal e no BOP de Pontevedra nº 90, do 11.05.2017 e o extracto da convocatoria publicouse no BOP n.º 94 do 18.05.2017.



Copia do documento - Concello de Vigo	Data impresión: 03/05/2024 18:40	Páxina 1 de 7
SUBVENCIONS	CSV: A3AE4E-C23A3F-3AC683-H5UUT3-GJ3KQ1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

I.5. Durante o prazo de presentación de solicitudes presentáronse no Rexistro xeral municipal un total de 3.450 que corresponden a 4.613 alumnas/os, das/os que 1.855 solicitaron libros e material escolar e 3.964 comedor, que foron tramitadas polo órgano instructor (Departamento de Benestar social), quen comprobou o cumprimento dos requisitos esixibles e a achega da documentación acreditativa, realizando os requirimentos de documentación preceptivos. A seguir, procedeu á súa avaliación individualizada de acordo cos criterios contidos nas Bases.

I.6. Rematada a instrucción do expediente remitiuse á Comisión de valoración, que elaborou unha proposta coa relación de todas as persoas solicitantes que participaron na convocatoria, facendo constar expresamente as axudas concedidas e as denegadas de libros e comedor, indicando neste último suposto a causa da denegación (Acta do 06.02.2018).

I.7. Conforme co establecido na normativa de réxime local (Art. 127.g] LRBRL), na reguladora das subvencións públicas (Arts. 7.4, 23.3 LSG...) e na Base 12 deste Programa de axudas, a Xunta de Goberno Local, na súa sesión extraordinaria e urxente do 05.10.2017 acordou, por proposta do instructor do expediente e previo informe da Comisión de valoración, resolver esta convocatoria nos seguintes termos:

«PRIMEIRO: Axudas municipais de libros e material escolar curso 2017-2018:

1.1. *CONCEDER as axudas de libros e material escolar ás/ós 1.324 alumnas/os que reúnen os requisitos necesarios para obter a condición de beneficiarias/os da subvención segundo o establecido na Lei 9/2007 de subvencións de Galicia e na base 6ª da convocatoria, existindo crédito orzamentario para a súa concesión. O gasto de 112.540,00 € financiarase con cargo á aplicación nº 2310.481.00.00, RC 201700041048 (110.000,00€) e RC 201700091930 (2.540,00€), aboándose mediante libramento a xustificar que se ingresará na conta habilitada do Servizo de Benestar Social (ES 90 2080 5000 67 3110242616).*

Relaciónanse as persoas beneficiarias no Anexo I, que comeza cunha renda per cápita anual de -8.127,56€ co expediente núm. 3605703002673 e remata cunha renda per cápita anual de 4.791,13€ co expediente núm. 3605715004204.

1.2. *Denegar as solicitudes de axudas de libros e material escolar ás/ós 531 alumnas/os que se relacionan no Anexo I, que comeza co expediente núm. 3605715002722 e remata co expediente núm. 3605705003673, sinalando en cada caso o motivo da súa denegación.*

SEGUNDO: Axudas municipais escolares de comedor curso 2017-2018:

2.1. *CONCEDER axudas municipais de comedor ás/ós 3.181 alumnas/os que reúnen os requisitos necesarios (LSG e base 6ª), existindo o orzamento necesario. O gasto do exercicio de 2017 aboarase con cargo a aplicación orzamentaria nº 2310.481.00.00, RC 201700041049 (375.780,80€) e RC 201700091930 (110.924,29€).*

Existe crédito para facer fronte ó gasto de 739,252,32€ para axudas de comedor 2018 (xaneiro-xuño) con cargo á aplicación orzamentaria nº 2310.481.00.00 e pagarase con cargo a RCFUT 201700041050 (714.219,20€) e RCFUT 201700091934 (25.033,12€)

As/os beneficiarias/os destas axudas aparecen relacionadas no Anexo II, que comeza cunha renda per cápita anual de -8.327,42 € co expediente núm. 3605721000991 e remata cunha renda per cápita anual de 4.788,62€ co expediente núm. 3605706003068.



Copia do documento - Concello de Vigo	Data impresión: 03/05/2024 18:40	Páxina 2 de 7
SUBVENCIONS	CSV: A3AE4E-C23A3F-3AC683-H5UUT3-GJ3KQ1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

2.2. Denegar as axudas municipais de comedor ás/ós 783 alumnas/os que figuran no Anexo II, que comeza cunha renda per cápita anual de -2.761,27€ co expediente núm. 3605723003929 e remata cunha renda per cápita anual de 20.126,55€ co expediente núm. 3605705003673, por non cumprir algún dos requisitos establecidos nas bases, indicándose en cada caso o motivo concreto da súa denegación.

2.3. Denegar as solicitudes de axudas municipais escolares que a seguir se relacionan e polas causas que en cada caso se expresan:

DNI/NIE/Pasaporte	MOTIVO DA DENEGACIÓN
77002807-A	Unidade familiar non empadroada no municipio
36065047-N	Unidade familiar non empadroada no municipio
39465015-M	Unidade familiar non empadroada no municipio

TERCEIRO: Publicar a resolución desta convocatoria de axudas (Anexo III) no taboleiro oficial de anuncios da Casa do Concello, nos Centros de Servizos Sociais Municipais, na web municipal e no "Portal da Transparencia e bo goberno" do Concello de Vigo (<http://transparencia.vigo.org>, con remisión da información necesaria á BDNS).

CUARTO: Notificar o acordo a todas as persoas interesadas, con indicación de que pon fin á vía administrativa e de que contra el poderán interpoñer recurso potestativo de reposición perante o mesmo órgano que a ditou no prazo dun mes ou ben, directamente, recurso contencioso-administrativo perante os xulgados do contencioso-administrativo de Vigo no prazo de dous meses, ámbolos dous prazos contados a partir do día seguinte á recepción da súa notificación. De se presentar o recurso de reposición, non poderá interpoñerse recurso contencioso-administrativo ata que sexa resolto expresamente o primeiro ou ben se produza a súa desestimación presunta polo transcurso do prazo máximo dun mes establecido para ditar e notificar a resolución (Arts. 123 - 124 da Lei 39/2015 e 8, 25, 46 e ccetes. da Lei 29/98)».

I.8. Contra aquel acordo da Xunta de Goberno local algunhas das persoas interesadas presentaron no Rexistro xeral municipal RECURSOS POTESTATIVOS DE REPOSICIÓN, co contido que será obxecto de análise neste informe.

II. NORMATIVA EXAMINADA

- CE/1978 (Constitución española, 29 decembro 1978).
- EAG (Estatuto de Autonomía de Galicia; LO.1/1981, do 6 de abril).
- LRBRL (L.7/1985, do 2 de abril, Reguladora das Bases do Réxime local).
- L.27/2013, do 27 de decembro, de Racionalización e Sostibilidade da Admón. local.
- L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local.
- L.19/2013, do 9 de decembro, de transparencia, acceso á información pública e bo goberno.
- TRRL (RDLex. 781/1986, do 18 de abril, Texto refundido das disposicións legais vixentes en materia de Réxime local).
- LALGA (L.5/1997, do 22 de xullo, de Administración local de Galicia).



Copia do documento - Concello de Vigo	Data impresión: 03/05/2024 18:40	Páxina 3 de 7
SUBVENCIONS	CSV: A3AE4E-C23A3F-3AC683-H5UUT3-GJ3KQ1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- LPACAP (L.39/2015, do 1 de outubro, do Procedemento administrativo común das Admóns. Públicas).
- LRXSP (L.40/2015, do 1 de outubro, de Réxime xurídico do Sector público).
- LRXCA (L.29/1998, do 13 de xullo, reguladora da Xurisdicción contencioso-administrativa).
- L.10/2013, do 27 de novembro, de inclusión social de Galicia.
- L.13/2008, do 3 de decembro, Lei de servizos sociais de Galicia.
- LXS (L.38/2003, do 17 de novembro, Lei xeral de subvencións).
- LSG (L.9/2007, do 13 de xuño, de subvencións de Galicia).
- RD.887/2006, do 21 de xuño, Regulamento da Lei xeral de subvencións.
- Bases de execución do Orzamento xeral – Concello de Vigo.

III. DEREITO/VALORACIÓN XURÍDICA

III.1. En aplicación dos principios antiformalista e *pro actione* que rexen o procedemento administrativo e de acordo co disposto no Art. 115.2 da LPACAP, resulta indiferente para a tramitación e resolución do recurso a cualificación concreta que a persoa recorrente lle asigne ó escrito de impugnación (*reclamación, revisión...*), sempre que do seu contido poida inferirse o verdadeiro carácter de recurso administrativo.

III.2. Así as cousas, os recursos potestativos de reposición presentados diríxense contra o precitado acordo da Xunta de Goberno Local do 05.10.2017, desestimatorio das súas solicitudes de concesión de axudas con cargo ás bases e convocatoria aprobadas.

III.3. Os escritos de recurso cumpren cos requisitos formais básicos para a súa admisibilidade: interpoñense en prazo e forma polas persoas interesadas e diríxense fronte a un acto administrativo susceptible de impugnación por este medio (Art. 112, 123 e ccdtes. LPACAP), solicitando a estimación do recurso e, en consecuencia, que se deixe sen efecto a resolución impugnada e se estime a concesión da subvención directa solicitada na instancia.

III.4. De acordo co disposto no Art. 124.2 da LPACAP, o prazo máximo para ditar e notificar a resolución do recurso de reposición é dun (1) mes. Transcorrido este sen que se producise a súa resolución expresa, deberíase entender desestimado por silencio administrativo (Art. 24.1 LPACAP) para os efectos de poder deducir o recurso contencioso-administrativo; sen prexuízo da obriga que pesa sobre a Administración de dictar resolución expresa en todos os procedementos e de notificala, calquera que sexa a súa forma de iniciación (Art. 21.1 LPACAP).

III.5. Examinado o seu contido pola Comisión de Valoración, propón DESESTIMAR expresamente os recursos que se relacionan no ANEXO I, que comenza pola persoa con DNI/NIE/Pas. n.º X9124071-Q (nº 1) e finaliza coa persoa con DNI/NIE/Pas. n.º 36120300-L (nº 24), toda vez que o acordo da XGL impugnado resulta axustado ás Bases do Programa de axudas e as respectivas solicitudes foron correctamente desestimadas por incumprimento dalgún dos requisitos establecidos e ESTIMAR os relacionados no ANEXO II, que comenza pola persoa con DNI/NIE/Pas. n.º X1367890B (nº 1) e finaliza coa persoa con DNI/NIE/Pas. n.º 36134320D (nº 7), polas razóns que en cada caso se indican.

IV. PROPOSTA



Copia do documento - Concello de Vigo	Data impresión: 03/05/2024 18:40	Páxina 4 de 7
SUBVENCIONS	CSV: A3AE4E-C23A3F-3AC683-H5UUT3-GJ3KQ1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

En consecuencia, visto o que antecede e a normativa de pertinente aplicación; en especial, os artigos 112-119 e 123-124 da LPACAP e a proposta efectuada pola Comisión de Valoración (Acta do 06.02.2018), propónse á Xunta de Goberno Local, a adopción do seguinte,

«ACORDO

PRIMEIRO: Desestimar os recursos potestativos de reposición presentados contra o acordo da Xunta de Goberno Local do 05.10.2017 polo que se denegaron as solicitudes de concesión de axudas ó abeiro das «Bases reguladoras para a concesión de Axudas Municipais de libros, material escolar e comedor para alumnas/os de centros docentes públicos e privados concertados de educación infantil (2ª etapa), educación primaria e secundaria do Concello de Vigo – Curso 2017-2018» que figuran no Anexo I, por incumprir algún dos requisitos reseñados na Base Sexta. O Anexo I comeza pola persoa con DNI/NIE/Pas. n.º X9124071-Q (nº 1) e finaliza coa persoa con DNI/NIE/Pas. n.º 36120300-L (nº 24).

	DNI	NÚMERO	DATA	MOTIVO
1	X9124071Q	170150390	02/11/17	e
2	53177098V	170142399	18/10/17	e
3	36058254G	170144056	23/10/17	f
4	09426008X	170154461	08/11/17	f
5	36156782T	170147226	27/10/17	f
6	36110751S	170147065	27/10/17	e
7	36133160E	170146970	31/10/17	f
8	X6527442L	170149845	31/10/17	f
9	76932176M	170142082	18/10/17	f
10	36158354P	170151378	31/12/17	f
11	36131111C	170146269	26/10/17	f
12	44484879G	170153210	07/11/17	f
13	36111850X	170153083	06/11/17	f
14	36039301A	170147011	27/10/17	a
15	36148113W	170137797	06/10/17	f
16	34261848J	170149704	31/10/17	f
17	36100304X	170153048	06/11/17	f
18	35988742K	170149709	31/10/17	f
19	53189435A	170138272	09/10/17	f
20	36129678J	170158271	14/11/17	f
21	36151041D	170150551	02/11/17	f
22	36131330D	170153428	07/11/17	f
23	47354163S	170156329	10/11/17	f
24	36120300L	170165199	27/11/17	f

Requisito incumprido (Base 6ª):

(a) Que a unidade familiar de convivencia resida e estea empadroada no Concello de Vigo.

(e) Ter presentada a solicitude e o resto da documentación necesaria durante os prazos estipulados.



Copia do documento - Concello de Vigo

Data impresión: 03/05/2024 18:40

Páxina 5 de 7

SUBVENCIONS

CSV: A3AE4E-C23A3F-3AC683-H5UUT3-GJ3KQ1-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

(f) Que a capacidade económica da unidade familiar de convivencia non exceda do 75% do IPREM.

SEGUNDO: Estimar os recursos que figuran no Anexo II, que comeza pola persoa con DNI/NIE/Pas. n.º X1367890B (nº 1) e finaliza coa persoa con DNI/NIE/Pas. nº 36134320D (nº 7). O gasto derivado deste acordo é de 504€ con cargo á aplicación orzamentaria nº 2310.481.00.00 – “*Becas libros, comedor*” dos orzamentos de 2017 e 2018.

	DNI	NÚMERO	DATA	MOTIVO	LIBROS: IMPORTE	COMEDOR: IMPORTE
1	X1367890B	170145463	25/10/17	1	85,00 €	
2	72986002X	170144372	23/10/17	1	85,00 €	
3	36137660Z	170138715	10/10/17	1	85,00 €	
4	Y2317524N	170138329	09/10/17	2		41,00 €
5	116255191	170153318	07/11/17	2		41,00 €
6	76913129W	170157371	13/11/17	1		41,00 €
7	36134320D	170164841	24/11/17	1	85,00 €	41,00 €
				TOTAIS	340,00 €	164,00 €

Códigos:

- (1) Corrección de erro material.
- (2) Traslado a centro educativo con axudas municipais de comedor.

TERCEIRO: Notificar ás persoas recorrentes, con indicación de que contra a resolución deste recurso non cabe ningún outro recurso administrativo, a non ser o extraordinario de revisión nos casos establecidos no artigo 125.1 da LPACAP, e de que poderán interpoñer recurso contencioso-administrativo nos Xulgados do contencioso-administrativo de Vigo no prazo de dous (2) meses contado desde o día seguinte ó da notificación deste Acordo».

Non obstante, a Xunta de Goberno Local resolverá o que estime máis oportuno.

Acordo

A Xunta de Goberno local aproba a proposta contida no precedente informe.

EE para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me



Copia do documento - Concello de Vigo	Data impresión: 03/05/2024 18:40	Páxina 6 de 7
SUBVENCIONS	CSV: A3AE4E-C23A3F-3AC683-H5UUT3-GJ3KQ1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 03/05/2024 18:40	Páxina 7 de 7
SUBVENCIONS	CSV: A3AE4E-C23A3F-3AC683-H5UUT3-GJ3KQ1-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		